

**MØTEBOK**

Utval: Kommunestyret
Møtedato 16.01.2020
Møtetid: Kl. 08:30 - 17:50
Møtestad: Biblioteket på Bjørkheim

Av 21 medlemmer møtte 21, inkludert varamedlemmer.

Medlemmer møtte:	Parti:
Gunn Østvik Petersen	Ap
Jon Magne Borgevik	Ap
Shirin Kvernes Khadoor	Ap
Anja Elisabeth Gjerde Markhus	Bl
Knut Harald Frøland	Bl
Lena Tveit	Bl
Martin Haugen	Bl
Ove Totland	Bl
Solveig Vassenden	Bl
Øyvind Steinsland	Bl
Linda Haug Kollbotn	Frp
Odd Arne Haga	Frp
Arild Røen	H
Gunn Totland Moss	KrF
Øyvind Strømmen	MDG
Monica Tjønnå	Sp

Desse medlemene møtte ikkje:	Parti:	I staden møtte:	Parti:
Brigt Olav Gåsdaal	Ap	Oddrun Lemme Sandvin	Ap
Knut Loneland Høibraaten	Bl	Oskar Konrad Kienitz	Bl
Karl Bård Kollbotn	Frp	Håvard Tvedterås	Frp
Oskar Røen	MDG	Magni Petersen	MDG
Øyvind Røen	Sp	Frank Georg Jørgensen Davidsen	Sp

Møtenotater:

Møtet var delt i tre delar:

- Del 1 - Møteopning og handsaming av sakene på saklista, pluss ei ekstrasak (kl. 08:30 - 09:15)
- Del 2 - KS folkevaldprogram/folkevaldopplæring (kl. 09:30 - 15:10)
- Del 3 - Temamøte om 1-10 skule (kl. 16:05 - 17:50)

Odd Arne Haga (Frp) deltok på møtet fram til kl. 09:15. Han hadde så permisjon fram til temamøtet om 1-10 skule kl. 16:05.

Martin Haugen (Bl) deltok på møtet fram til kl. 10:45. Han hadde så permisjon fram til temamøtet om 1-10 skule kl. 16:05.

Andre som var til stades på møtet:

- Charlotte Hageberg, rådmann
- Jan Erik Boge, leiande rådgjevar
- Vigdis Vikne, rektor Samnanger barneskule
- Kurt Helge Pedersen, rektor Samnanger ungdomsskule
- Bodil H. Øpstebø, rådgjevar oppvekst (under temamøte om 1-10 skule)
- Eirik Haga, KS (under KS folkevaldprogram/folkevaldopplæring)
- Tom Gundersen, KS (under KS folkevaldprogram/folkevaldopplæring)
- Øyvind Hellerås, rektor Skåredalen skole (under temamøte om 1-10 skule)
- Asle Halleraker, lærar Skåredalen skole (under temamøte om 1-10 skule)

Dokument som vart delt ut i møtet:

- Krav om lovlegkontroll av kommunestyret sitt vedtak 05.12.2019 om skjenkeløye til Milano Pizzeria Bjørkheim

Vedlegg til møteprotokollen:

- Rådmannen sitt svar på grunngjeve spørsmål frå Arild Røen (H)
- Krav om lovlegkontroll av kommunestyret sitt vedtak 05.12.019 om skjenkeløye til Milano Pizzeria Bjørkheim
- Presentasjon (lysark) KS folkevaldprogram
- Presentasjon (lysark) frå KS Vest
- Presentasjon (lysark) frå Skåredalen skole

Møteleiar:	Knut Harald Frøland
Møtesekretær:	Jan Erik Boge

Underskrift frå utvalsleiar og møtesekretær:

Tysse, 22.01.2020

Knut Harald Frøland
ordførar

Jan Erik Boge
leiande rådgjevar

Desse sakene vart handsama:

Sakliste

Sak nr.	Arkivsak	Sakstittel	Merknad
001/2020	20/22	Faste saker	
002/2020	19/1158	Uravstemming om Hovudavtale for perioden 01.01.2020 - 31.12.2021	
003/2020	19/169	Krav om lovlegkontroll av kommunestyret sitt vedtak 05.12.2019 om skjenkeløyve Milano Pizzeria Bjørkheim	



SAKSFRAMLEGG

Sakshandsamar: Marianne Soleng	Arkivkode: FE-033
Arkivsaksnr: 20/22	Løpenr: 20/223
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Kommunestyret	16.01.2020	001/2020

Faste saker

16.01.2020 Kommunestyret:

Handsaming i møtet:

Godkjenning av innkalling og sakliste

Ordførar Knut Harald Frøland (Bl) foreslo å ta inn ei ekstrasak på saklista. Dette gjaldt sak om handsaming av krav om lovlegkontroll av kommunestyret sitt vedtak 05.12.2019 om skjenkeløyve til Milano Pizzeria Bjørkheim. Kommunestyret slutta seg til å ta denne saka inn på saklista.

Etter spørsmål frå Monica Tjønnå (Sp) orienterte Knut Harald Frøland om at tidsplanen/agendaen for møtet var litt endra i forhold til møteinnkallinga. Endringa var at sakene som kommunestyret skal handsama/gjera vedtak i (sak 001, 002 og 003) vart tekne først i møtet, før KS folkevaldprogram/folkevaldopplæring.

Det var ingen andre merknader til innkallinga eller saklista.

Eventuelle merknader til protokoll frå førre møte

Ingen merknader.

Endring av klokkeslett for kommunestyremøta 05.03.2020 og 11.06.2020

Ordførar Knut Harald Frøland (Bl) foreslo følgjande endring i kommunestyret sin møteplan for 2020:

- Starttidspunktet for kommunestyremøta 05.03.2020 og 11.06.2020 vert endra frå kl. 12:00 til kl. 08:30.

Kommunestyret slutta seg til ordføraren sitt forslag.

Orienteringssaker:

Ingen saker.

Grunngjevne spørsmål:

Grunngjeve spørsmål frå Arild Røen (H) om Erikajorda

Arild Røen las opp spørsmålet. Charlotte Hageberg las opp rådmannen sitt svar. Svaret ligg som vedlegg til møteprotokollen.

Utvalet sitt kvarter

Bekymringsmelding om tilsettingsprosessar

Monica Tjønna (Sp) orienterte om at ho har fått bekymringsmeldingar frå tillitsvalde i kommunen om at dei ikkje lenger skal vera med i tilsettingsprosessar. Rådmann Charlotte Hageberg orienterte om at kommunen ikkje lenger har eit partssamansett tilsettingsutval, og viste til vedtak i kommunestyret. Dei tillitsvalde har ikkje lenger formell stemmerett ved tilsettingar, men dei skal likevel framleis i stor grad vera med i tilsettingsprosessane.

Spørsmål om sak om gratis skulemat

Odd Arne Haga (Frp) viste til vedtak i kommunestyret 05.12.2019 om at administrasjonen skal leggja fram ei sak om gratis skulemat i det første ordinære kommunestyremøtet i 2020. Han spurde kvifor saka ikkje stod på saklista til kommunestyremøtet 16.01.2010. Rådmann Charlotte Hageberg orienterte om status for denne saka.

Jordmorsituasjonen

Lena Tveit (BI) orienterte om at ho har fått bekymringsmeldingar om jordmorsituasjonen i kommunen. Rådmann Charlotte Hageberg orienterte om status, mellom anna om at det no vil bli tilsett ein vikar i jordmorstillinga - i første omgang truleg fram til mai 2020.

Kraftforsyninga i Samnanger

Arild Røen (H) viste til at det er planar om bygging av både datasenter i Børdalen og nye kraftlinjer frå Børdalen til straumforsyning av oljeinstallasjonar i Nordsjøen. Han spurde om det er nok straum/straumkapasitet i Samnanger til desse utbyggingane. Ordførar Knut Harald Frøland (BI) orienterte om at han har vore i kontakt med BKK, og fått tilbakemelding om at straumsituasjonen/kapasiteten ikkje skal vera noko problem.

Teigavika

Arild Røen (H) viste til planane om etablering av offentleg badeplass i Teigavika ved Bjørkheim. Han bad om at grunnforholda i Teigavika vert undersøkt nøye, då han har erfaring med at det er blaut strandbotn (fare for å siga nedi for badande). Arild Røen tok òg opp at tilstanden på hytta som står i Teigavika er svært dårleg, og at den kan vera farleg for besøkande i vika. Han bad om kommunen arbeider for å gje rivingsløyve/rivingspålegg for hytta. Rådmann Charlotte Hageberg orienterte om at ho vil bringa informasjonen vidare i administrasjonen.

Leksefri skule

Arild Røen (H) spurde om ordninga med leksefri skule ved Samnanger barneskule er ei prøveordning eller ei fast ordning. Rådmann Charlotte Hageberg orienterte om prosjektet med leksefri skule. Det skal no gjerast ei undervegsvurdering av prosjektet, og det skal gjerast ei ny evaluering til sommaren.

Opprydding av bilvrak

Arild Røen (H) spurde om status for kommunen sitt arbeid med opprydding på stader/tomter med bilvrak. Rådmann Charlotte Hageberg orienterte om status.

KS- 001/2020 Vedtak:

Saklista vert godkjent med følgjande endring:

- Handsaming av krav om lovlegkontroll av kommunestyret sitt vedtak 05.12.2019 om

skjenkeløype til Milano Pizzeria Bjørkheim vert teke inn som ekstrasak på saklista.

Delegerte vedtak/referatsaker vert tekne til orientering.

Rådmannen sitt framlegg til vedtak:

- Møteinnkallinga og saklista vert godkjent.
- Delegerte vedtak/referatsaker vert tekne til orientering.

Oversikt over faste saker:

Godkjenning av innkalling og sakliste.

Eventuelle merknader til protokoll frå førre møte.

Delegerte vedtak/referatsaker.

Utvalet sitt kvarter.



SAKSFRAMLEGG

Sakshandsamar: Jan Erik Boge	Arkivkode: FE-401
Arkivsaksnr: 19/1158	Løpenr: 20/195
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Kommunestyret	16.01.2020	002/2020

Uravstemming om Hovudavtale for perioden 01.01.2020 - 31.12.2021

16.01.2020 Kommunestyret:

Handsaming i møtet:

Rådmannen sitt framlegg vart samrøystes vedteke.

KS- 002/2020 Vedtak:

Samnanger kommune stemmer ja i uravstemminga om revidert Hovudavtale for perioden 01.01.2020 – 31.12.2021.

Rådmannen sitt framlegg til vedtak:

Samnanger kommune stemmer ja i uravstemminga om revidert Hovudavtale for perioden 01.01.2020 – 31.12.2021.

Dokument som er vedlagt:

A-rundskriv-4-2019

Hovedavtalen for perioden 01.01.2018 - 31.12.2019

Kva saka gjeld:

Kommunesektorens organisasjon (KS) og forhandlingssamanslutningane vart i desember 2019 samde om å tilrå forslag til revidert Hovudavtale for perioden 01.01.2020 – 31.12.2021. Forslaget er no sendt til uravstemming til KS sine medlemmer, mellom anna til Samnanger kommune. KS oppmodar alle medlemmene om å svara på uravstemminga, og til å stemma ja. Svarfristen er 20.01.2020.

I Samnanger kommune er det kommunestyret som har mynde til å svara i uravstemmingar.

Jf. KS sine vedtekter gjeld følgjande reglar ved uravstemmingar:

- *Ved uravstemning anses en tariffavtale som vedtatt når 1/3 av de avgitte stemmer fra medlemmene, og som representerer minst halvparten av arbeidstakerne hos medlemmene som avgis stemmer, svarer JA til det anbefalte forhandlingsforslag.*

Hovudavtalen vert inngått mellom KS og arbeidstakarorganisasjonane. Den inneheld reglar om forhandlingsordning, prosedyrar samt arbeidsgjevar og tillitsvalde sine rettar og plikter. Hovudavtalen er eit verkemiddel for å skapa eit best mogleg samarbeidsgrunnlag mellom partane i kommunal sektor, og for utvikling av gode tenester. Kopi av Hovudavtalen for perioden 01.01.2018 – 31.12.2019 følgjer som vedlegg til dette saksframlegget.

Det tilrårde forslaget til revidert Hovudavtale inneheld ikkje store endringar i forhold til avtalen som gjaldt i perioden 01.01.2018 – 31.12.2019. Endringane går fram av det vedlagte rundskrivet frå KS (A-rundskriv nr. 04-2019), og er mellom anna:

- Klima- og miljøtiltak skal no inngå som ein del av partssamarbeidet etter Hovudavtalen.
- Framheving av betydninga av eit inkluderande, helsefremmande og førebyggjande arbeidsmiljø, der samarbeidet skjer på den enkelte arbeidsplassen.
- Målet om å redusera sjukefråveret og førebygga tidleg fråfall frå arbeidslivet er tydeleggjort.
- Innføring av ny regel om at arbeidstakarar som er i lovleg arbeidskamp ikkje skal meldast ut av AFP og tenestepensjonsordninga. Partane er samde om at arbeidsgjevar skal dekkja premie for fortsett medlemsskap i desse ordningane i opptil ein månad.

Vurderingar og konsekvensar:

Rådmannen tilrår at Samnanger kommune stemmer ja i uravstemminga.

**SAKSFRAMLEGG**

Sakshandsamar: Jan Erik Boge	Arkivkode: FA-U63
Arkivsaksnr: 19/169	Løpenr: 20/525
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Kommunestyret	16.01.2020	003/2020

Krav om lovlegkontroll av kommunestyret sitt vedtak 05.12.2019 om skjenkeløyeve Milano Pizzeria Bjørkheim**16.01.2020 Kommunestyret:**

Handsaming i møtet:

Gunn Østvik Petersen (Ap) las opp kravet om lovlegkontroll, som var sett fram av følgjande kommunestyremedlemmer:

- Gunn Østvik Petersen (Ap)
- Brigt Olav Gåsdal (Ap)
- Monica Tjønna (Sp)
- Jon Magne Borgevik (Ap)

Kopi av kravet vart delt ut i møtet. Kopi av kravet følgjer òg som vedlegg til møteprotokollen.

Det vart under handsaminga avklart at kravet om lovlegkontroll var sett fram innanfor tidsfristen på tre veker, jf. reglar i § 27-1 i kommunelova.

Det vart gjennomført røysting over om kommunestyret sitt vedtak frå 05.12.2019 i sak 079/2019 om å gje skjenkeløyeve til Milano Pizzeria Bjørkheim skulle oppretthaldast eller ikkje. 11 røysta for at vedtaket skulle oppretthaldast og 10 røysta imot.

For å oppretthalda vedtaket	Imot å oppretthalda vedtaket
Knut Harald Frøland (Bl)	Shirin Kvernes Khadoor (Ap)
Lena Tveit (Bl)	Gunn Østvik Petersen (Ap)
Anja Elisabeth Gjerde Markhus (Bl)	Jon Magne Borgevik (Ap)
Martin Haugen (Bl)	Oddrun Lemme Sandvin (Ap)
Solveig Vassenden (Bl)	Monica Tjønna (Sp)
Ove Totland (Bl)	Frank-Georg Jørgensen Davidsen (Sp)
Øyvind Steinsland (Bl)	Gunn Totland Moss (KrF)
Oskar Konrad Kienitz (Bl)	Arild Røen (H)
Linda Haug Kollbotn (Frp)	Øyvind Strømmen (MDG)
Odd Arne Haga (Frp)	Magni Petersen (MDG)
Håvard Tvedterås (Frp)	

Som følge av at kommunestyret vedtok å oppretthalda vedtaket frå 05.12.2019, skal vedtaket sendast til fylkesmannen for lovlegkontroll, jf. reglar reglar i § 27-7 i kommunelova og kapittel IX i forskrift om delegering av myndighet etter kommunelova m.fl.

KS- 003/2020 Vedtak:

Kommunestyret sitt vedtak gjort 05.12.2019 i sak 079/2019 om å gje skjenkeløyve til Milano Pizzeria Bjørkheim vert oppretthalde.

Rådmannen sitt framlegg til vedtak:

Saka vert lagt fram utan tilråding frå rådmannen.

Dokument som ikkje er vedlagt:

Krav om lovlegkontroll av kommunestyret sitt vedtak om skjenkeløyve til Milano Pizzeria Bjørkheim

Kva saka gjeld:

Saka gjeld handsaming av innkomne krav om lovlegkontroll av kommunestyret sitt vedtak 05.12.2019 (saknr. 079/2019) om skjenkeløyve til Milano Pizzeria Bjørkheim. Kommunestyret vedtok i starten av sitt møte 16.01.2020 å ta saka opp som ekstrasak/tilleggssak i møtet. Saka ikkje stod på sakskartet for møtet, og det var ikkje sendt ut saksutgreiing. Kopi av det innkomne kravet om lovlegkontroll vart delt ut i møtet.